



JP "TRŽNICA" d.o.o. ZENICA

Zenica, Ul. Maršala Tita br. 48

Tel: 032/401-573, 032/460-322

Fax: 032/243-043

ID broj: 4218070440008

1542802011917134 Intesa Sanpaolo Banka d.d.

134010000013118 ASA Banka d.o.o. Zenica

1418010009310310 BBI Bank International

1990510007577686 Sparkasse DD Sarajevo

- Poslovi direktora -

Broj: 3288/23

Zenica, 27.11. 2023. godina

Na osnovu člana 20 a. Zakona o radu FBiH „Sl. nov. FBiH“ br.: 26/16, 89/18 i 44/22), čl. 11. stav 6. Zakona o javnim preduzećima („Sl. nov. FBiH“ br.: 8/05; 81/08, 22/09 i 109/12), čl. 4. Uredbe o postupku prijema u radni odnos u javnom sektoru u Ze-do kantonu („Sl. nov. Ze-do kantona“ br.: 9/23 i 14/23); člana 36. Statuta JP „Tržnica“ d.o.o. Zenica, a u vezi sa Odlukom Uprave JP „Tržnica“ d.o.o. Zenica o potrebi prijema radnika u radni odnos na određeno vrijeme u JP „Tržnica“ d.o.o. Zenica, br: 3281/23 od 24.11.2023.g., te u skladu sa Saglasnošću Gradonačelnika Grada Zenica br.: 02-45-24639/23 od 07.11.2023.g., JP Tržnica“ d.o.o. Zenica objavljuje

JAVNI OGLAS

za prijem radnika u radni odnos na određeno vrijeme u JP „Tržnica“ d.o.o. Zenica

I

JP „Tržnica“ d.o.o. Zenica, sa sjedištem u Ul. Maršala Tita 48, Zenica, objavljuje Javni oglas za prijem radnika u radni odnos na određeno vrijeme, do povratka radnice sa porodijskog odsustva, na radno mjesto kako slijedi:

- „Čistačica“ RJ Tržnica i pijaca - Služba higijene - 1 (jedan) izvršilac

II

Opis poslova iz tačke I Javnog oglasa:

Održavanje higijene u upravnoj zgradi; Svakodnevno usisavanje radnih prostorija i čišćenje WC-a; pranje prozora i zavjesa (po potrebi), svakodnevno izbacivanje otpada iz korpi za smeće, pranje posuda nakon usluživanja kafom, čajem, sokom Direktorice i gosta; pri obavljanju poslova vodi računa o racionalnom korištenju sredstava za održavanje higijene; radi i druge poslove po nalogu neposrednog nadređenog/rukovodioca. Za svoj rad odgovara Sradniku za organizaciju posla-poslovođi, Glavnom saradniku za organizaciju posla i Direktorici preduzeća.

Osnovna plaća za ovo radno mjesto prema internom aktu preduzeća iznosi 582,81 KM, ali uz primjenu Uredbe o metodologiji i usklađivanju najniže plaće (koju je usvojila Vlada FBiH 30.12.2021.g.), na osnovu koje Vlada FBiH donosi odluku (na godišnjem nivou) kojom utvrđuje iznos najniže plaće, u trenutku objave ovog Javnog oglasa, osnovna plaća za oglašeno radno mjesto iznosi 596,00 KM neto, odnosno 628,90 KM prije oporezivanja.

III

Uslovi:

Pored općih uslova propisanih Zakonom:

- da je kandidat stariji od 18 godina,

- da je državljanin BiH, te
- da ima zdravstvenu sposobnost za obavljanje poslova radnog mjesta, kandidati koji se prijavljuju Javni oglas treba da ispunjavaju i **posebne uslove**;
- Završena osnovna škola- NSS

IV

Prijava:

Prijava na Javni oglas mora biti u pisanoj formi i potpisana od strane kandidata, te sadržavati:

- Ime i prezime kandidata, adresu stanovanja, e-mail adresu, kontakt telefon, naziv radnog mjesta iz Javnog oglasa na koje se podnosi prijava, spisak dokumentacije koja se prilaže uz prijavu, datum prijave, te potpis kandidata.

Uz prijavu na Javni oglas, kandidati su dužni dostaviti dokumentaciju kako slijedi (u originalu ili ovjerenj fotografiji):

- Kraću biografiju (CV);
- Svjedočanstvo/diplomu o završenom školovanju kao dokaz stručne spreme koja se traži Javnim oglasom;
- Uvjerenje o državljanstvu BiH (ne starije od 6 mjeseci);
- Potvrdu o prebivalištu - CIPS (ne starije od 6 mjeseci);
- Izvod iz matične knjige rođenih (rodni list)

Kandidati, uz prijavu, osim naprijed navedenih potrebnih dokumenata, mogu dostaviti i druge dokumente koja mogu uticati na izbor kandidata, kao što su npr.: uvjerenja nadležnih službi o pripadnosti kategoriji boračke populacije u skladu sa Zakonom o pravima demobilisanih branilaca i članova njihovih porodica ("Sl.nov.FBiH"br.: 54/19) i Zakona o doptuskim pravima boraca i članova njihovih porodica ("Sl.nov. ZDK" br.1/14), dokazi o pripadnosti kategoriji porodice bez prihoda (kućna lista sa potvrđama o nezaposlenosti izdata od strane nadležnog zavoda za zapošljavanje, fotokopija zdravstvene knjižice za članove koji nisu prijavljeni kod navedenog zavoda, potvrda o redovnom školovanju).

Kandidati koji dostave dokumente kojim dokazuju pripadnost jednoj od navedenih kategorija iz ove tačke, imać će prednost pod jednakim uslovima, u odnosu na istorangiranog kandidata.

V

Svi kandidati čije prijave budu uredne, potpune i blagovremene, u skladu sa Pravilnikom o načinu i postupku provođenja procedura za prijem u radni odnos u JP "Tržnica" d.o.o. Zenica, bit će obaviješteni o terminu i mjestu održavanja intervjua putem dostavljanja skenirane obavijesti na e-mail adresu kandidata, a najkasnije u roku od 5 (pet) dana prije dana održavanja intervjua (ova obavijest bit će postavljena i na web stranicu i oglasnu tablu preduzeća), a na kojem će Komisija ocjenjivati i provjeravati opće znanje kandidata (tačnost odgovora po postavljenim pitanjima) iz oblasti koje su vezane za radno mjesto za koje je raspisan ovaj Javni oglas. Nakon održanog intervjua, Komisija, u skladu sa postignutim ocjenama, sastavlja izvještaj i utvrđuje Listu uspješnih kandidata i iste dostavlja Direktorici preduzeća.

Sa izabranim kandidate zaključit će se Ugovor o radu na određeno vrijeme, do povratka radnice sa porodiljskog odsustva.

VI

Ljekarsko uvjerenje o općoj zdravstvenoj sposobnosti izabrani kandidat je obavezan dostaviti 15 dana od dana prijema obavijesti o njegovom izboru.

VII

Kandidati koji nisu izabrani na radno mjesto za koje je provedena procedura prijema, bit će pismeno obaviješteni u roku od 5 (pet) dana od dana donošenja odluke o prijemu u radni odnos izabranog kandidata.

VIII

Adresa na koju se dostavlja prijava na javni oglas:

Prijava na Javni oglas sa potrebnom dokumentacijom se dostavlja u zatvorenoj koverti lično, ili preporučenom poštom na adresu:

Javno preduzeće "Tržnica" d.o.o. Zenica

Ul. Maršala Tita broj 48 (sprat Gradske tržnice), 72 000 Zenica

Sa naznakom: "NE OTVARAJ-PRIJAVA NA JAVNI OGLAS!"

IX**Napomena:**

Integralni tekst javnog oglasa bit će objavljen na web stranici preduzeća, web stranici Grada Zenica, te će biti dostavljen IJU Služba za zapošljavanje Ze-do kantona koja je obavezna isti postaviti na svoju web stranicu (najkasnije na dan objave u Listu), a u Listu "Oslobođenje" bit će objavljena obavijest o javnom oglasu.

Oglas ostaje otvoren 8 (osam) dana od dana posljednje objave.

Nepotpune, neuredne i neblagovremene prijave neće se uzeti u razmatranje.

Preduzeće nije obavezno vraćati dokumentaciju dostavljenu uz prijavu na Javni oglas. Kandidati koji ne budu pozvani na intervju, odnosno kandidati koji nisu izabrani, mogu preuzeti svoju dokumentaciju u mjestu sjedišta preduzeća, uz predočenje lične karte.

Za sva dodatna obavještenja, zainteresovani se mogu obratiti na telefon broj: 032/401-573.

